

6

6

HARVARD COLLEGE LIBRARY
FROM THE
HARVARD - YENCHING
INSTITUTE
AUG 30 1929

~~Ch L 9299.414~~

~~Ch L 9301.414~~

廣博物志卷之八

哈佛大學哈佛葉宗
圖書館珍藏印

靜勝文庫

隴西董斯張纂

太原溫體仁訂

地形四

戎狄

言夷狄者舉終始也言蠻舉遠也言貉舉惡也
則別之東方為九夷南方為八蠻西方為六戎
北方為五狄何以知夷在東方禮王制曰東方
曰夷被髮文身又曰南方曰蠻雕跽交趾西方
曰戎被髮衣皮北方曰狄衣羽毛穴何以名為

夷蠻曰聖人本不治外國非為制名也因其國名而言之耳一說曰名其短而為之制名也夷者傳狄無禮義東方者少陽易化故取名也北方太陰鄙郤故少蠻蟲難化執心違邪戎者強惡也狄者易也辟易無別也

白虎通

東辟之民曰夷精以僥至于大遠有不火食者矣南辟之民曰蠻信以朴至于大遠有不火食者矣西辟之民曰戎勁以剛至于大遠有不火食者矣北辟之民曰狄肥以疾至于大遠有不火食者矣及中國之民曰五方之民

大戴禮

湯問伊尹曰諸侯來獻或無馬牛之所生而獻

遠方之物事實相反不利非其所有而當遠求于民故不利也今

吾欲因其地勢所有獻之必易得而不貴其為

四方獻令伊尹受命於是為四方令曰臣請正

東符婁仇州伊憲漚深九夷十蠻越漚鬻文身

十者東夷蠻越之別稱

請令以魚支之鞞烏鰓之醬鮫鼈

利劔為獻

鞞刀削鰓魚名鼈看也鮫皮作之鮫文魚也

正南甌鄧桂

國損子產里百濮九菌

六者南蠻之別名

請令以珠璣

瑇瑁象齒文犀翠羽菌鷓短狗為獻

璣似珠而小菌鷓可

用為旌翳短狗狗之善者也

正西崑崙狗國鬼親枳巴闕耳

貫胸雕題離丘漆齒

九者西戎之別名也

請令以丹青白

旄紕蜀江歷龍角神龜為獻

江歷珠名

正北空同大

夏莎車姑他旦畧貌胡戎翟奴樓煩月氏媞犁

其龍東胡

十二者北狄者之別名也

請令以橐駝白玉野馬

駒駘馱良弓為獻湯曰善

周書

懷方氏掌來遠方之民致方貢致遠物而送逆

之達之以節

周禮

凡海外三十六國自西北至西南方有修股民

天民肅慎民白民沃民女子民丈夫民奇肱民

一臂民三身民自西南至東南方有結胸民羽

民謹頭國民裸國民三苗民交股民不死民穿

胸民反舌民豕喙民鑿齒民三頭民修臂民自

東南至東北方有大人國君子國黑齒民玄股

民毛民勞民自東北至西北方有跂踵民句嬰

民深目民無腸民柔利民一目民無繼民維棠

武人在西北陬

皆日所入山之名

磈魚在其南有神二

人連臂為帝候夜在其西南方三珠樹在其東
 北方有玉樹在赤水之上崑崙華丘在其東南
 方爰有遺玉青馬視肉楊桃甘楮甘華百果所
 生和丘在其東北陬三桑無枝在其西夸父耽
 耳在其北方夸父棄其策是為鄧林昆吾丘在
 南方軒轅丘在西方巫咸在其北方立登保之
 山暘谷搏桑在東方有娥在不周之北長女簡
 翟少女建疵西王母在流沙之瀕樂民拏閭在
 崑崙弱水之洲三危在樂民西宵明燭光在河

洲所照方千里龍門在河淵湍池在崑崙玄耀

不周申池在海隅孟諸在沛少室太室在冀州

燭龍在雁門北蔽于委羽之山不見日其神人

面龍身而無足后稷壟在建木西建木在都廣

名其人死復蘇其半魚在其間南方人死復生

廣建流黃沃民在其北方三百里狗國在其東

雷澤有神龍身人頭鼓其腹而熙淮南子

魏志言箕子適朝鮮作八條之教無門戶之閉

而不為盜

結匈國其為人結匈臆前佚出如人結喉也山海經

羽民國在其東南其為人長頭身生羽能飛不能遠卵

生一曰其為人長頰啟筮曰羽民之狀鳥喙赤目而自首○又大荒經云

羽民國其民皆生毛羽卵民國其民皆生卵

謹頭國在其南其為人人面有翼鳥喙方捕魚

或曰謹朱國○又大荒經云有人名曰謹頭鮀妻士敬士敬子曰炎融生謹頭人

面鳥喙有翼食海中魚杖翼而行維宜芑芑穆楊是食○又云顛頊生謹頭謹頭生苗民苗民

釐姓食肉

厭火國在其南獸身黑色生火出其口中言能吐火

三苗國在赤水東其為人相隨昔堯以天下讓舜三苗之君非

之帝殺之有苗之民叛入南海為三苗國一曰三毛國

貫胸國在其東其為人胸有竅尸子曰四夷之民有貫胸者有

深目者有長肱者黃帝之德常致之

交脛國在其東其為人交脛言脚脛曲戾相交所謂雕躄交趾者也

不死民在其東其為人黑色壽不死有員山上

食之乃壽亦有赤泉飲之不老○又大荒經云阿姓甘木是食

岐舌國在其東其人舌皆岐或云支舌也

或云支舌也

三首國在其東其為人一身三首

周饒國在其東其為人短小冠帶其人長三尺穴居能為機

巧 一曰焦僥國在三首東外傳云焦僥氏長三尺短之至也詩含神

霧曰從中州以東西四十萬里得焦僥國幾姓嘉穀是食尺五寸○又大荒經云焦僥國幾姓嘉穀是食

長臂國在其東捕魚水中兩手各操一魚舊說云其

人手下垂至地魏黃初中玄菟太守王頎討高句麗王宮窮追之過沃沮國其東界臨大海近

日之所出問其耆老海東復有人否云嘗在海中得一布褶身如中人衣兩袖長三丈即此長

臂人衣也 三身國在夏后啟北一首而三身大荒經云不庭之山榮水

窮焉有人三身帝俊妻娥皇生此三身之國

一臂國在其北一臂一目一鼻孔有黃馬虎文

一目而一手河圖玉版云亦有一脚人

奇肱之國在其北其人一臂三目有陰有陽乘

文馬陰在上陽在下文馬即吉良也

丈夫國在維鳥北其為人衣冠帶劔殷帝太戊使王孟採

藥從西王母至比絕糧不能進食木實衣木皮終身無妻而生二子從形中出其父即死是為

丈夫民○玄中記云子從背脇出王孟一作王英

女丑之尸生而十日炙殺之在丈夫北以右手

廣輿志 卷之八 高麗堂

郭其面

又大荒經云有人衣青以袂蔽面名曰女丑之尸

巫咸國在女丑北右手操青蛇左手操赤蛇在

登葆山羣巫所從上下也

採藥往來

女子國在巫咸北兩女子居水周之

有黃池婦人入浴出

即懷妊矣若生男子三歲輒死周猶也

軒轅之國在此窮山之際其不壽者八百歲在

女子國北人面蛇身尾交首上

白民之國在龍魚北白身被髮

言其人體洞白○又大荒經云

帝俊生帝鴻帝鴻生白民銷姓食黍

有乘黃其狀如狐其背上有

角乘之壽二千歲

周書曰白民乘黃似狐背上

天下有道飛黃伏皂

長股之國被髮

國在赤水東也長臂人身如中人脚過三丈矣黃帝時至或曰長一曰長脚

脚人常負長臂人入海中捕魚也

有喬國今伎家喬人蓋象此身○又大荒經云赤水之東有長脰之國

無脊之國

音啓或作絜

在長股東為人無脊

脊肥腸也其人

穴居食土無男女死即埋之其心不朽死百廿歲乃復更生

一目國在其東一目中其面而居一曰有

手足

柔利國在一目東為人一手一足反膝曲足居

上一脚一手一云留利之國人足反折

深目國在其東為人舉一手一目一作在共工

臺東大荒經云深目之國盼姓食魚

無腸之國在深目東一作其為人長而無腸為

長大腹內無腸所食之物直通過○又大荒經云無腸國任姓無繼子食魚注云繼當作脊膊

也

聶耳之國在無腸國東使兩文虎為人兩手聶

其耳言耳長行則以手攝持之也

博父國在聶耳東右手操青虵左手操黃虵

拘纓之國在其東一手把纓言其人常以一手持冠纓也或曰纓

宜作

一曰利纓之國尋木長千里在拘纓南生河上

西北

跂踵國跂音企在拘纓東其為人大兩足亦大人

行脚跟不着地也孝經鉤命一曰大踵

歐絲之野在大踵東一女子跪據樹歐絲言噉

吐絲蓋三桑無枝在歐絲東其木長百仞無枝

大人國在其北為人大坐而削船一曰在嗟丘

北 大荒經云釐姓黍食○又云大人之市在海中○又博物志云大人國其人孕三十六年

奢比之尸在其北獸身人面大耳珥兩青蛇 耳也 蛇貫 一曰肝榆之尸

君子國在其北衣冠帶劍食獸使二大虎在旁 其人好讓不爭有薰 或作 華草朝生夕死

垂垂在其北 音 虹各有兩首 音 螻 也 青丘國在其北 其人食五穀衣絲帛 其狐四足九尾 竹書曰栢

黑齒國在其北為人黑食稻啗蛇一赤一青在

其旁 大荒經云帝俊生 黑齒姜 姓黍食 玄股之國在其北 髀以下盡 黑故云 其為人衣魚 以魚皮為

也 衣 驅水鳥 也音 變 使兩鳥夾之 大荒經云黍 食使四鳥 有一鳥兩頭 或曰教

勞民國在其北其為人黑 食果草實也 伯慮國 未詳 離 未詳 斗國 鏤離其耳分令下垂以為飾 即儋耳也 在朱崖海渚中不

食五穀但噉 及諸莖也 雕題國 點涅其面 畫體為鱗 大荒經云儋 之國任姓 北胸 音 勅 未詳 皆在鬱水南

人也 采即 籛 高軍堂

梟陽國在北胸之西其為人人面長唇黑身有

毛反踵見人笑亦笑左手操管周言曰州靡髻髻者人身反踵

自笑笑則上辰掩其面爾雅云髻髻大傳曰周書成王時州靡國獻之海內經謂之贛巨人

氏人國音抵觸抵之抵在建木西其為人人面而魚身

無足蓋胸以上人胸以下角也

匈奴一曰獫狁開顯之國音提列人之國竝在西北

犬封國曰犬戎國狀如犬黃帝之後下明生白犬二頭自相牝牡遂

為此國

有一女子方晡進杯食與酒食也

鬼國在貳負之北北為物人面而一目一曰貳

負神在其東為物人面蛇身

蓋國在鉅燕南倭北倭屬燕倭國在大海內以女為主其俗露紵

衣服無針功以丹朱塗身不妬忌一男子數十婦也

列姑射在海河洲中山名也有神人河洲在海中河水所經者箕子所謂

藐姑射之山也

姑射國在海中屬列姑射劉晝新論云胡之北有射姑之國其親死

棄屍于江中謂之水仙意是姑射之誤

明組邑居海中

東海之外大壑少昊之國少昊孺帝顓頊于此棄其琴瑟

有小人國名靖州人

詩會神霧曰東北極有人長九寸殆謂此小人也或作靖

音同○又云益猶之山有小人名曰菌人

大荒之中有中容之國帝俊生中容

俊亦舜字假借音也

中容人食獸木實

此國中有赤木玄木其華實美見呂氏春秋

有司幽之國帝俊生晏龍晏龍生司幽司幽生

思士不妻思女不夫

言其人直思感而氣通無配合而生子此莊生所謂

白鵠相視睚子不運而感風化之類也

有柔僕民是維羸士之國

羸猶沃衍也

有夏州之國

有蓋余之國

有困民國勾姓而食有人曰王亥兩手操鳥方

食其頭王亥託于有易河伯僕牛

河伯僕牛皆人姓名託寄

也見竹書有易殺王亥取僕牛

竹書曰殷王子亥賓于有易而淫焉有易

之君綿臣殺而放之是故殷主甲徵假師于河伯以伐有易滅之遂殺其君綿臣也河念

有易潛出為國于獸方食之名曰搖民

言有易本與河

伯友善上甲徵殷之賢王假師以義伐罪故河伯不得不助滅之暨而哀念有易使得潛化而

出化為帝舜生戲戲生搖民海內有兩人

此乃有易

所化者也亦無往而不之觸感而寄跡矣名曰女丑即女丑之尸言其變化無常也然則一以涉化津而遯神域者女丑有大蟹廣于里也

有女和月母之國有人名曰臯音婉北方曰臯來之風曰狻言亦有兩名也音剡是處東極隅以止日月使

無相間出沒司其短長言臯主察日月出入不令得相間錯知景之短長

有季禹之國顓頊之子食黍言此國人顓頊之裔子也

有盈民之國於姓黍食

有人食獸曰季釐帝俊生季釐故曰季釐之國

有緡淵音昏少昊生倍伐倍伐降處緡淵

有載民之國帝舜生無淫降載處自謂巫載民

巫載民盼姓食穀不績不經服也自然有布帛也不稼

不穡食也言五穀自生也爰有歌舞之鳥鸞鳥自歌鳳

鳥自舞爰有百獸相羣爰處百穀所聚海外經云其為

人黃能操弓射虵載音秩

有蜮山者有蜮民之國桑姓食黍射蜮是食有

人方扞弓射黃虵扞挽也音紆名曰蜮人

有國曰顓頊生伯服食黍有馳姓之國音如橘柚之柚

有人名曰張弘在海上捕魚海中有張弘之國
或曰即奇肱人疑非食魚使四鳥有人焉鳥喙有翼方捕魚于海

有國名曰淑士顓頊之子
言出自高陽氏也

有西州之國姬姓食穀有人方耕名曰叔均帝

俊生后稷
俊宜為學學弟二妃生后稷也稷降以百穀稷之弟

曰台壘生叔均叔均是代其父及稷播百穀始作耕

赤水之西有先民之國食穀使四鳥有北狄之

國黃帝之孫曰始均始均生北狄有芒山有桂

山有槎山
此山多桂及槎木因名云耳其上有人號曰太子

長琴顓頊生老童
世本云顓頊娶于滕瑣氏謂之女祿產老童也老童

生祝融
即童黎也高辛氏火正號曰祝融也祝融生太子長琴是

處槎山始作樂風有五彩鳥三名一曰皇鳥一

曰鸞鳥一曰鳳鳥有蟲狀如菟胸以後者裸不

見
言皮色青故不見其裸露處青如猿狀

有沃之國
言其土饒沃也沃民是處沃之野鳳鳥之卵

是食甘露是飲凡其所欲其味盡存
言其所願滋味此無

所不爰有甘華甘柎白栢視肉三騅玫瑰瑤碧

白木琅玕白丹青丹多銀鐵是謂沃之野

大荒之中有龍山日月所入有三澤水名曰三

淖昆吾之所食也穆天子傳曰滔水濁縣氏之所食亦此類也

南嶽娶州山女名曰女虔女虔生季格季格生

壽麻壽麻正立無景疾呼無嚮爰有大暑不可

以往有人無首操戈盾立名曰夏耕之尸故成

湯伐夏桀于章山克之斬耕厥前耕既立無首

走厥咎乃降于巫山有蓋山之國有樹赤皮支

幹青葉名曰朱木或作朱威木

有互人之國人面魚身炎帝之孫名曰靈恕音如券契之契

靈恕生互人是能上下于天言能乘雲雨也

有胡不與之國一國復名耳今胡夷語皆通然梨姓黍食

有肅慎氏之國有蟲獸首蛇身名曰琴蟲

有始州之國有丹山此山純出丹朱也竹書曰和甲西征得丹山

大荒之中有叔歎國音作感反顓頊之子黍食

使四鳥虎豹熊羆有黑蟲如熊狀名曰猎猎或作

夕同有北齊之國姜姓使虎豹熊羆

毛民之國依姓食黍禹生均國均國生役采役
采生修鞞音裕修鞞生綽人帝念之潛為之國是
此毛民

西北海外流沙之東有國曰中鞞顛頊之子食
黍有國名曰賴丘

南海之內黑水青水之間有禺中之國有列襄
之國有牛黎之國有人無骨儻耳之子儻耳人
生無骨

也子

有國名曰朝鮮天毒其人水居

天毒即
天竺國

西海之內流沙之中有國名曰壑市流沙之西

有國名曰汜葉

流沙之東黑水之西有朝雲之國司蔬之國

有鹽長之國有人焉鳥首名曰鳥氏有九丘以

水絡之名曰陶唐之丘有叔得之丘孟盈之丘

昆吾之丘黑白之丘赤望之丘參衛之丘武夫

之丘神民之丘西南有巴國大皞生咸鳥咸鳥

生乘釐乘釐生後照後照是始為巴人有國名

曰流黃辛氏

即鄆
氏也

其域中方三百里有巴遂山

澠水出焉又有朱卷之國有黑地青首食象也

也

北海之內有反縛盜械帶戈常倍之佐名曰相

顧之尸亦貳負臣危之類伯夷父生西嶽西嶽生先龍

先龍是始生氏羌氏羌乞姓伯夷父顓頊師今氏羌其苗裔也

北海之內有大玄之山有玄丘之民言丘上人

有大幽之國即幽民也穴居無衣有赤脛之民膝已下正赤色

有釘靈之國其民從膝已下有毛馬蹄善走上

西北海外有人焉長二千里兩脚中間相去千

里腹圍一千六百里俱日飲天酒五斗張華注

云天酒甘露也不食五穀魚肉惟飲酒好游山

海間不犯百姓不干萬物與天地同生名無路

之人一名仁一名信一名神神異經

西北荒中有小人焉長一寸員如長朱衣玄冠

乘輶車導引有威儀人遇其乘車並食之其味

辛楚終不為蟲象所咋並識萬物名字殺腹中

三蟲

八荒之中有毛人喜食人名曰髯公俗曰髯麗

一名髯狎西荒之中有人着敗衣手虎爪名獾
獾欲食人腦東南隅大荒中有林父其高千里
其圍百輔並上

西極之南隅有國焉不知境界之所接名古莽
之國陰陽之氣所不交故寒暑亡辨日月之光
所不照故晝夜亡辨其民不衣不食而多眠五
旬一覺以夢之所爲者實覺之所見者妄四海
之齊謂中央之國跨河南北越岱東西萬有餘
里其陰陽之審度故一寒一暑昏明之分察故
一晝一夜其民有智有愚萬物滋殖才藝多方
有君臣相臨禮法相持其所云爲不可稱計一
覺一寐以爲覺之所爲者實夢之所爲者妄東
極之北隅有阜落之國其土氣常燠日月餘光
之照其土不生嘉苗其民食草及木實不知火
食性剛悍強弱相藉貴勝而不尚義多馳步少
休息常覺而不眠列子
越之東有輒沐之國其長子生則解而食之謂
之宜弟其大父死負其大母而棄之曰鬼妻不

可以同處楚之南有炎人之國其親戚死朽其肉而棄然後埋其骨秦之西有義渠之國其親戚死聚柴積而焚之燠則烟上謂之登遐然後成爲孝子上

乘雲壘產之國肝心不朽之民巢居野處獨目三首馬間狗蹄修臂交股黃池無男穿胸勞口

抱朴子

比夷之氣象羣羊南夷之氣象船魏子

黃帝之世茄豐氏有罪刑而放之扶伏而去是

爲扶伏民居玉門外玄中記

高陽氏有同產而爲夫婦者帝怒放之于是相

抱而死有神鳥以不死竹覆之七年男女皆活

同頸異頭共身四足是爲蒙雙氏外國圖

冀州之西二萬里有孝養之國其俗人年三百

歲而織茅爲衣卽尚書島夷卉服之類也死葬

之中野百鳥銜土爲墳羣獸爲之掘穴有親死

者刻木爲影事之如生其俗驍勇能嚙金石其

舌杪方而本小手搏千鈞以爪畫地則洪泉湧

流善養禽獸入海取虬龍育于園室以充祭祀
昔黃帝伐蚩尤除諸凶害獨表此處為孝養之
鄉舜封為孝讓之國舜受堯禪其國執玉帛來
朝特加賓禮異于餘戎狄也

拾遺記

夷有九種曰畎夷于夷方夷黃夷白夷赤夷玄
夷風夷陽夷少康後世服王化賓于王門獻其

樂舞

後漢書

溟海北有勃鞞之國人皆衣羽毛無翼而飛日
中無影壽千歲食以黑河水藻飲以陰山桂脂
憑風而翔乘波而至獻黑玉之環色如淳漆貢

玄駒千匹

拾遺記

成王卽政三年有泥離之國來朝其人稱自發
其國常從雲裏而行聞雷霆之聲在下或入潛
穴又聞波瀾之聲在上視日月以知方國所向
計寒暑以知年月考國之正朔則序曆與中國
相符

燃丘國經歷百有餘國方至京師越鐵峴泛沸
海虵州蜂峯鐵峴峭礪車輪剛金為網比至京

師輪皆鈇銳幾盡又沸海洶湧如煎魚鱉皮骨
堅強如石可以爲鎧泛沸海之時以銅薄舟底
蛟龍不能近也又經虵州則以豹皮爲屋于屋
內推車又經蜂岑燃胡蘇之木此木煙能殺百
蟲經途十五餘年乃至洛邑成王封泰山禪社
首使發其國之時僉童稚至京師鬚皆白及還
至燃丘復還少壯

盧扶國來朝渡河萬國方至云其國中山川無
惡禽獸水不揚波風不折木人皆壽三百歲結
草爲衣是謂卉服至死不老咸知孝讓壽登百
歲以上相敬如至親之禮死塋于野外以香木
靈草瘞掩其尸閭里助送號泣之音動于林谷
河源爲之流止春木爲之改色居喪水漿不入
于口至死者骨爲塵埃然後乃食昔大禹隨山
導川乃旌其地爲無老純孝之國
始皇好神仙之事有宛渠之民乘螺舟而至舟
行似螺沉行海底而水不浸入一名淪波舟其
國人長十丈編鳥獸之毛以蔽形始皇與之語

及天地初開之時了如親覩曰臣國在咸池日
沒之所九萬里以萬歲爲一日俗多陰霧遇其
晴日則天豁然雲裂耿若江漢則有玄龍黑鳳
翱翔而下及夜燃石以繼日光此石出燃山其
土石皆自光徹叩之則碎狀如粟一粒輝映一
堂昔炎帝始變生食用此火也國人今獻此石
或有投其石于溪澗中則沸沫流于數十里名
其水爲焦淵臣國去軒轅之丘十萬里少典之
子採首山之銅鑄爲大鼎臣先望其國有金火
氣動奔而往視之三鼎已成又見冀州有異氣
應有聖人生果有慶都生堯又見赤雲入于酆
鎬走而往視果有丹雀瑞昌之符始皇曰此神
人也彌信仙術焉

含塗國貢其珍怪其使云去王都七萬里鳥獸
皆能言語雞犬死者埋之不朽經歷數世其家
人遊于山阿海濱地中聞雞犬鳴吠主乃握取
還家養之毛羽雖禿落更生久乃悅澤

孝惠帝時有道士姓韓名稚則韓終之胤也越

海而來云是東海神使聞聖德洽乎區宇故悅服而來庭時有東極出扶桑之外有泥離之國來朝其人長四尺兩角如繭牙出于唇自乳已來有靈毛自蔽居于深穴其壽不可測也帝云方士韓稚解絕國人言令問人壽幾何經見幾代之事答曰五運相承迭生迭死如飛塵細雨存歿不可論算問女媧以前可聞乎對曰虵身已上八風均四時序不以威悅攬乎精運又問燧人以前答曰自鑽火變腥以來父老而慈子壽而孝自軒皇以來屑屑焉以相誅滅浮靡囂動淫于禮亂于樂世德澆訛淳風墜矣稚以答聞于帝帝曰悠哉杳昧非通神達理者難可語乎斯遠矣稚于斯而退莫知其所之帝使諸方士立仙壇于長安城北名曰祠韓館俗云司寒之神祀于城陰按春秋傳曰以享司寒其音相亂也定是祠韓館

有遺池國人長三尺壽萬歲以茅爲衣服皆長裾大袖因風以昇烟霞若鳥用羽毛也人皆雙

瞳修眉長耳食九天之正氣死而復生于億劫之內見五嶽再成塵扶桑萬歲一枯其人視之如旦暮也北有浣腸之國甜水繞之味甜如蜜而水強流迅急千鈞投之久久乃沒其國人常行於水上逍遙于絕嶽之嶺度天下廣狹繞八柱爲一息經四軸而暫寢拾塵吐霧以算歷劫之數而成丘阜亦不盡也

渠搜國之西有所淪之國其俗淳和人壽三百歲有壽木之林一樹千尋日月爲之隱蔽若經憇此木下皆不死不病或有泛海越山來會其國歸懷其藥者則終身不老

西方有因霄之國人皆善嘯丈夫嘯聞百里婦人嘯聞五十里如笙竽之音秋冬則聲清亮春夏則聲沉下人舌尖處倒向喉內亦曰兩舌重脊以爪徐刮之則嘯聲逾遠故呂氏春秋云反舌殊鄉之國卽此謂也有至聖之君則來服其化

有頻斯國人來朝以五色玉爲衣如今之鎧其

使不食中國滋味自賈金壺壺中有漿凝如脂
嘗一滴則壽千歲其國有大楓木成林高六七
十里善算者以里計之雷電常出樹之半其枝
交蔭于上蔽不見日月之光其下平淨掃灑雨
霧不能入焉樹東有大石室可容萬人坐壁上
刻爲三皇之像天皇十三頭地皇十一頭人皇
九頭皆龍身亦有膏燭之處緝石爲牀牀上有
漆痕深三寸牀上有竹簡長尺二寸書大篆之
文皆言開闢以來事人莫能識或言是伏羲畫
卦之時有此書或言是蒼頡造書之處

員嶠山有陀移國人長三尺壽萬歲廣延之國

人長二尺

並上

漢武時月氏國遣使獻香云乘毳車而濟弱淵
策驥足以度飛沙契闊遙途辛勤蹊路

十洲記

太初四年東方朔從支提國來國人長三丈二
尺三手三足各三指多力善走國內小山能移
之有澗泉飲能盡

洞冥記

荊州有鼻飲之蠻南城有頭飛之夷

桓譚新論

倭南有侏儒國其人長三四尺去女王國四千餘里

魏畧

辰韓國兒生以石壓其頭欲其扁今辰韓人皆扁頭

魏志

扶南王范尋常畜虎五六頭及鰐魚十頭若有訟未知曲直便投與魚虎魚虎不食則為有理穢貊之人祭虎為神將有以也

異苑

西域有鼠王國鼠之大者如狗中者如兔小者如常大鼠頭悉已白然帶金環枷商估有經過其國不先祈祀者則嚙人衣裳也得沙門呪願更獲無他釋道安昔至西方親見如此俗諺云鼠得死人目睛則為王

河東母丘儉字仲恭嘗征沃沮使王願窮其東界耆老云曾有一破船隨波流出在海岸邊有一人項中復有面生得之與語不相通不食而死

並上

大秦國隔海心無憂患輒遇善風二十日得度若憂即數年不得度故諺曰心無憂患不經二

廣博志 卷之八
旬心若憂患遠離三春

巴郡南郡蠻本有五姓其山有赤黑二穴巴氏之子生于赤穴四姓之子皆生黑穴未有君長俱事鬼神乃共擲劍于石穴約能中者奉以爲君巴氏子務相乃獨中之衆皆歎服又令乘土船約能浮者當以爲君餘姓悉沉唯務相獨浮因共立之是爲廩君乃乘土船從夷水至鹽陽鹽水有神女謂廩君曰此地廣大魚鹽所出願留共君廩君不許鹽神暮輒來取宿旦卽化爲蟲與諸蟲羣飛掩蔽日光天地晦冥積十餘日廩君因射殺之天乃開明廩君于是君乎夷城四姓皆臣之廩君死魂鬼世爲白虎巴氏以虎飲人血遂以人祠焉

東漢書

高麗之先夫餘王嘗得河伯女因閉于室爲日光隨而照之感而遂孕生一卵五升大有一男子破殼而生名曰朱蒙

袁弔者羌豪也秦時拘執爲奴隸後得亡去秦人追之急迫藏于穴中秦人焚之有景相如虎

來爲蔽故得不死諸羌神之推以爲君其後種
落熾盛

搜神記

扶桑國有南北獄若有犯輕罪者入南獄重罪
者入北獄有赦則放南獄不放北獄

南史

天竺迦毗黎國元嘉五年國王月愛遣使奉表
曰伏聞彼國據江傍海山川周固衆妙悉備莊
嚴清淨猶如化城宮殿莊嚴街巷平坦人民充
滿歡娛安樂聖王出遊四海隨從聖明仁愛不
害衆生萬邦歸仰國福如海國中衆生奉順正
法大王仁聖化之以道慈施羣生無所遺惜帝
修淨戒軌道不及無上法船濟諸沉溺羣僚百
官受樂無怨諸天擁護萬神侍衛天魔降伏莫
不歸化王身端嚴如日初出仁澤普潤猶如大
雲聖賢承業如日月天於彼真丹最爲殊勝臣
之所住名迦毗河東際於海其城四邊悉紫紺
石首羅天護令國安隱國王相承未嘗斷絕國
中人民率皆修善諸國來集共遵道法諸寺舍
中皆七寶形像衆妙供具如先王法臣自修檢

不犯道禁臣名月愛棄世王種惟願大王聖體
 和善羣臣百官悉自安隱今以此國羣臣吏民
 山川珍寶一切歸屬五體歸誠大王足下山海
 遐隔無由朝覲宗仰之至遣使下承使主父名
 天魔悉達使主父名尼陀達此人由來良善忠
 信是故今遣奉使表誠大王若有所須珍奇異
 物悉當奉送此之境土便是王國王之法令治
 國善道悉當承用願二國信使往來不絕此反
 使還願賜一使具宣聖命備勅所宜款至之誠
 望不空反所白如是願加哀愍奉獻金剛指環
 摩勒金環諸寶物赤白鸚鵡各一頭

類不
重錄

沈約宋書
他表相

大同中盤盤國丹丹國武昌國高昌國遣使獻
 方物帝令有司設充庭法駕雅樂九闕百寮具
 朝服如元正之儀帝問四公異國來庭爵命高
 下欲以上公秩加之黻公曰成王太公周公輔
 政越裳氏重譯來貢不聞爵命及之春秋邾楚
 之君爵不加子設使其君躬聘依禮經位止子

男若加以上公恐非稽古帝固謂黼公更詳定
之俄屬暴風如旋輪曳帝裙帶帝又問其事公
曰明日亦未果請他日議之帝不懌學士羣誅
之向夕帝女墜閣而死禮竟不行後詰之對曰
旋風襲衣愛子暴殞更何疑焉

梁四公記

西海中有島島上有大林林皆寶樹中有萬餘
家其人皆巧能造寶器所謂拂林國也

杰公曰以今所知女國有六何者北海之東方
夷之國有女國天女下降爲其君西南夷板楯
之西有女國其女悍而男恭女爲人君以貴男
爲夫置男爲妾媵昆明東南絕徼之外有女國
以猿爲夫生男類父而入山谷晝伏夜遊生女
則巢居穴處南海東南有女國舉國惟以鬼爲
夫夫致飲食禽獸以養之勃律山之西有女國
山出台虺之水女子浴之而有孕其女舉國無
夫西海西北有女國以虵爲夫男則爲虵不噬
人而穴處女爲臣妾官長而居宮室

金上

女國在葱嶺之南其國代以女爲王王姓蘇毗

字末羯在位二十年女王之夫號曰金聚不知
 政事國內丈夫唯以征伐為務山上為城方五
 六里人有萬家王居九層之樓侍女數百人五
 日一聽朝復有小女王共知國政其俗婦人輕
 丈夫而性不妬忌男女皆以彩色塗面一日之
 中或數度變改之人皆被髮 隋書

天監時西北遠邊有白題及滑國入貢二國歷
 代弗賓莫知所出裴子野曰漢潁陰侯斬胡白
 題將一人服虔注云白題胡名也又漢定遠侯
 擊虜入滑此其後乎時服其博 梁史

元魏時北夷酋長遣子入侍者常秋來春去以
 避中國之熱時人謂之雁臣 伽藍記

于闐國是老子化胡成佛之所俗無禮義多賊
 盜淫縱王錦帽金鼠冠妻戴金花其王髮不令
 人見俗云若見王髮年必儉 隋書

吐火羅國都葱嶺西五百里與挹怛雜居都城
 方二里勝兵者十萬人皆習戰其俗奉佛兄弟
 同一妻迭寢焉每一人入房戶外挂其衣以為

志生子屬其長兄其山穴中有神馬每歲牧牝馬于穴所必產名駒

漕國在葱嶺之北漢時芻賓國也其王姓昭武字順達康國王之宗族都城方四里勝兵者萬餘人國法嚴整殺人及賊盜皆死其俗淫祠葱嶺山有順天神者儀制極華金銀鑠爲屋以銀爲地祠者日有千餘人祠前有一魚脊骨其孔中通馬騎出入國王戴金魚頭冠坐金馬座林邑王死七日而葬有官者三日庶人一日皆

以函盛屍鼓舞導從輿至水次積薪焚之收其餘骨王則內金甕中沉之于海有官者以銅甕沉之于海口庶人以瓦送之于江並上

疏勒國都白山南百餘里漢時舊國也其王字阿彌厥手足皆六指產子非六指者卽不育並上

帝行次金城郡黨項羌首朝見帝問曰古有先零燒當等種落爾是何者之後對曰相傳獼猴之後帝笑之大業拾遺

煬帝令朱寬征留仇國還獲男女口千餘人并

襍物產與中國多不同緝木皮為布甚細白幅闊三尺二三寸亦有細斑布幅闊一尺許又得金荆榴數十斤木色如真金密緻而文彩盤蹙有如美錦甚香極精可以為枕及案面雖沉檀不能及彼土無鍍朱寶還至南海郡留仇中男夫壯者多加以鍍鉗鎖恐其道逃叛還至江都將見為解脫之皆手把鉗叩頭惜脫甚于中土貴金人形短小似崑崙

朝野僉載

東方極豪林之墟名呵羅提國人壽四百歲南方極洞陽之野其國人壽三百六十歲西方極浩素之壘其國人壽六百歲北方極朔陽之庭名旬羅之國人壽三百歲

故曰

廣博物志卷之九

隴西董斯張纂

雲間董其昌訂

斧戾一

盤古氏至帝嚳止

丹壺書云皇次四世蜀山倓僊六世渾敦七世
東戶十七世皇覃七世啟統三世吉夷四世九
渠一世稀韋四世大巢二世遂皇四世庸成八
世凡六十有八世是爲因提之紀倉頡一世栢
皇二十世中央四世大庭五世栗陸五世麗連

十一世軒轅三世赫胥一世葛天四世宗盧五世祝融二世昊英九世有巢七世朱襄三世陰康二世無懷六世凡八十有八世是為禪通之紀可謂備矣而又有鉅靈氏句強氏自句強而下次譙明氏次涿光氏以次至次民氏總曰循蜚紀有號而無世自是而上亦惟有九皇氏地皇氏天皇氏又上而乃有盤古氏基之渾沌之說其言渾沌之初所謂上無復色下無復淵為說甚繁非足貽訓故絀焉

路史

太古之民皆壽盈易始三頭謂之合雄紀生子三世合雄氏沒子孫相傳記其受命謂之叙命紀生子二世通紀四姓男女衆多羣居連逋從強而行是謂連逋紀生子一世通紀五姓是謂五姓紀天下羣居男女衆多各有居方故號居方氏居方氏沒生子三十二世強弱相迫中有神人提挺而治故號提挺氏提挺氏生子三十五世通紀七十二姓故號通姓氏

古三墳○合雄或作合維

○齊授梁策云皇雄大庭之辟想指此

盤古垂死化身氣成風雲聲為雷霆左眼為日
 右眼為月四肢五體為四極五嶽血液為江河
 筋脉為地里肌肉為田土髮髭為星辰皮毛為
 草木齒骨為金石精髓為珠玉汗流為雨澤身
 之諸蟲因風所感化為黎甿元氣論○又五運
 歷年記云盤古之

君龍首蛇身嘘為風雨吹為雷電開目為晝閉
 目為夜死後骨節為山林腸為江海血為淮瀆
 毛髮為
 草木

荆湖南北以十月十六日為盤古氏生日路史

三一者上一真帝之極中二真皇之主下一真

王之妙天皇得極故上成皇極地皇得主故上

成正一人皇得妙故上成衆妙靈寶經

天皇出於柱州即無外山也遁甲開山圖

天皇九翼提名旋復河圖括地象○九翼輔翼
 者九人也提名策名也旋

復言其
 變化

天皇氏以獲為名以望為姓字子潤路史

天皇於是斟元陳樞以立易威春秋保乾樞

天皇之先與乾曜合元君有五期輔有三名易通

卦驗注云君之用事五行更王
 者亦有五期三輔公卿大夫也

廣博物志 卷之九 九 高軍堂

地皇出於雄耳龍門之嶽人皇出於刑馬山提地之國上

地皇姓鑑名嶽字子元人皇姓愷名胡洮字文生洞神經

天皇氏以木王地皇氏以火紀春秋命曆序

人皇氏駕六提羽乘雲祗車見維書寰宇記作抵車誤

人皇氏駕六蜚鹿政三百歲春秋命曆序

人皇厭倦塵事乃授籙於五姓真源賦

皇伯皇仲皇叔皇季皇少五姓同期俱駕龍號

曰五龍命曆序○真源賦云五姓乘雲車而治天下

昔者太極泮而渾敦氏職焉渾敦氏逸而有初

三皇君三皇射而二靈作二靈後乃有十紀其

六在鉅靈氏之前百七十有八姓其四在鉅靈

氏之後三紀五十二姓而疏佗之紀自黃帝始

略史

黃神氏或曰黃祿黃頭大腹出天參政春秋命曆序

人皇沒狇神次之出於長淮駕六蜚羊上

雲陽氏是謂陽帝蓋處於河亦著甘泉以故黃

帝以來大祀於甘泉 路史

蜀之為國肇自人皇其始有蠶叢帝拍護帝魚

見帝 或作折護與伯雍者非 最後乃得望帝杜

宇寔為滿捍 寰宇記作伯禽尤疎 楊雄蜀紀

執中涵和除日無歲無內而無外者渾沌氏之

治也 莊子

冉相氏得其環中以隨成與物無終無始無幾

無時曰與物化者一不化者也此之謂真人 上

泰上成鳩之道一族用之萬八千歲增規不圓

益矩不方 鷓冠子

次民氏是為次是氏 洛書摘亡辟注次是民為皇次屈非也

几蘧氏之御天下也不治而不亂天下之人惟

知母不知父鷓居穀飲而不求名譽晝則旅行

夜則類處及其死也豪昇風化而已命之曰知

生之民 亢倉子

辰放氏是為皇次屈渠頭四乳駕六蜚塵出地

郭而從日月上下天地與神合謀古初之人再

服蔽體次民氏沒辰放氏作時多陰風乃教民

日月之外以食救物至於南垂觀此燧木有鳥類鶚喙其枝則火出取以鑽火號燧人氏燧人

氏之時維出四佐以代天理物乃大臣職命明

繇政乎陞級畢旒辨乎方色

論語摘輔象云必有受稅俗注云受

稅賦及徭役所宜必畢古通用

成博受乎古諸

都鄙之事

隕齒錄乎

延嬉

延長嬉福也蓋謂祭祀齒一作丘

四后職而天道平人事

理龍圖呈瑞龜字効靈於是占建而正方

定方名東

西南北是也

握機矩表計寘指天以布躔而齊七政

始注物蟲鳥獸之名而通國之輕重以轉民之

貲

管子云燧人以來未有不以輕重而為天下者也

人滋反醇情欲蠢

動好嗜外迫則冒禮而忘形以賤其神乃制男

子三十而取女子二十而歸

一云女二十五逸禮本命篇云太古

男五十而取女三十而嫁中古男三十而室女二十而嫁

以息其民為之進

退以耻其凡是故父老而慈子壽而孝著之世

姓而法自是作禮繇此顯矣

禮記疏云禮有三起禮事起於遂皇

禮名起於黃帝

遂人氏立傳教之臺伏羲作十言之教神農頒

時令黃帝作李法

倉帝史皇氏名頡姓侯岡龍顏侈侈四目靈光

廟碑云倉頡天生德於大聖四目靈光為百王作憲其銘曰穆穆聖倉熹平六年立按春秋演

孔圖及春秋元命苞叙帝王之相云倉頡四目是謂金明顓帝戴干是謂崇仁帝佶戴干是謂

清明堯眉八彩是謂通明舜目重瞳是謂無景禹耳三漏是謂大通湯臂三肘是謂柳翼文王

四乳是謂含良武王斷齒是謂剛強不及人臣也故索靖草書狀曰聖皇御世隨時之宜倉頡

既王書契是為而世紀乃言黃帝史官倉頡取象鳥迹始作文字記其言動策而藏之名曰書

契妄也

栢皇氏姓栢名芝是為皇栢出搏日之陽駕六

龍以木紀德為而不有應而不求立於正陽之

南

大庭氏之膺錄也適有嘉瑞三辰曾輝五鳳異

色都于曲阜故魯有大庭氏之庫昔者黃帝禘

于大庭之館茲其所矣

葛天氏葛天者權天也爰儼旋穹作權象故以

葛天為號說文葛蓋也與鵲皆音蓋而集韻蓋覆也居葛切蓋曷蓋古通用故曷且

作蓋且渴竭本從蓋竭竭一從蓋

啓統氏別無攷見獨起居舍人張衡運紹記若

通載有之而乃序之尊盧氏之後觀衡自言歷

觀四部古人圖錄其亦有所取矣

路史

祝誦氏

庸誦古通用一作頌故禮庸鍾容一曰磬及漢書為容皆作頌有以也

容一曰

祝融

見金樓子

是為祝融氏

祝斷也化而裁之之謂陸佃解月令說云木發

而榮之金薦而收之火祝而融之水玄而冥之蓋融而熟之火也○按陳晦伯所引兼明書謂

燧人女媧祝融俱霸而不王說甚不經備錄之以俟攷

祝融棲神於衡阜虞帝登仙於蒼梧赫胥曜迹

於潛山黃帝飛輪於鼎湖

仙傳拾遺

無懷氏之撫世也以道存心以德安刑過而不

悔當而不掄

世之人甘其食樂其俗安其居

而重其生意恙不堅於色堅白不刑於心而漸

毒不萌於動世用太平鳳凰降龜龍閣風雨節

而寒暑時於是陞中泰山以宗天禪云云以復

墜勒石昭示而天下益趣於文矣

見管子大戴禮史記

赫蘇氏是為赫胥

天生蒸民而樹之君所以對揚天休司牧黔首

攝提合雜以前栗陸麗連之外書契不傳無得

稱也

梁元帝荅王僧辨書

予述此書自遂人而下益詳遂人而上雖復著

廣雅

之有不得而詳者若夫上之號氏世姓多得之
 外書如風俗通之列僊氏始學篇之卷須氏皆
 誕繆無鞅者也又有得以僅存者如氏譜之吉
 夷氏莊子之冉相氏稀韋氏皇覽之巫常氏王
 潛夫之神民氏子思子之東戶氏亢倉子之几
 遽氏風俗通之帝疇氏和菟史之太菟氏鬼菟
 氏命曆序之黃神氏狽神氏辰放氏皇談氏然
 皆不得考其上下獨夏后氏之書注山水之所
 自多有諧其號氏者豈其人之所自出而迹之

所麗邪

路史○按羅氏所載如神民氏大隗氏
 鉅靈氏朗陵陳晦伯駁之極當不更錄

三皇者何謂也謂伏羲神農燧人也或曰伏羲

神農祝融也禮曰伏羲神農祝融三皇也謂之

伏羲者何古之時未有三綱六紀民人但知其

母不知其父能覆前而不能覆後臥之誌誌起

之吁吁饑即求食飽即棄餘茹皮飲血而衣皮

韋於是伏羲仰觀象於天俯察法於地因夫婦

正五行始定人道畫八卦以治下下伏而化之

故謂之伏羲也謂之神農何古之人民皆食禽

獸肉至於神農人民衆多禽獸不足於是神農
 因天之時分地之利制耒耜教民農作神而化
 之使民宜之故謂之神農也謂之燧人何鑽木
 燧取火教民熟食養人利性避臭去毒謂之燧
 人也謂之祝融何祝者屬也融者續也言能屬
 續三皇之道而行之故謂祝融也五帝者何謂
 也禮曰黃帝顓頊帝嚳帝舜五帝也黃帝
 中和之色自然之性萬世不易黃帝始作制度
 得其中和萬物常存故稱黃帝也謂之顓頊何

顓者專也頊者正也能專正天人之道故謂之
 顓頊也謂之帝嚳者何也嚳者極也言其能施
 行窮極道德也謂之堯者何堯猶堯堯也至高
 之貌清妙高遠優游博衍衆聖之主百王之長
 也謂之舜者何舜猶舜舜也言能推信堯道而
 行之三王者何謂也夏殷周也夏者大也明當
 守持大道殷者中也明當爲中和之道也聞也
 見也謂當道著見中和之爲也周者至也密也
 道德周密無所不至也

白虎通

三皇禪於繹五帝禪於亭三王禪於梁父

風俗通

含文嘉記處戲燧人神農伏者別也變也戲者

獻也法也伏羲始別八卦以變化天下天下法

則咸服貢獻故曰伏羲也燧人始鑛木取火炮

生爲熟令人無復腹疾有異於禽獸遂天之意

故曰遂人也神農神者信也農者濃也始作耒

耜教民耕種美其衣食德濃厚若神故爲神農

也尚書大傳說遂人爲遂皇伏羲爲戲皇神農

爲農皇也遂人以火紀火太陽也陽尊故託遂

皇於天伏羲以人事紀故託戲皇於人蓋天非

人不因人非天不成也神農悉地力種蔡蔬故

託農皇於地天地人道備而三五之運興矣黃

帝始制冠冕垂衣裳上棟下宇以避風雨禮文

法度興事創業黃者光也厚也中和之色德四

季與地同功故先黃以別之也顓者專也項者

信也言其承易文之以質使天下蒙化皆貴貞

慤也譽者考也成也言其考明法度醇美譽然

若酒之芬香也堯者高也饒也言其隆興煥炳

最高明也推行道德舜者推也循也言其循堯緒也 風俗通

太昊宅東少昊宅西炎帝居南顓帝居北 路史

太昊伏羲氏 昊本作昇按太昊幣文作昊又作爽爽並太昊字 方牙一

曰蒼牙 通卦驗云遂皇出握機矩表計冥而其刻曰蒼牙通靈昌之成謂伏羲也說者

以為文王非按雷吏有 風姓 孔演明道經云燧

蒼牙所謂蒼牙利鋒者 始王天下是伏羲因燧皇之姓矣三墳書言因

風而生為風姓鄧氏姓書云東方之帝木能生

風故為姓豈其然哉予固謂上世嘗有風國因

為姓爾故帝後有風后風國之後蓋久而後得

之玄女經云禹問 是為春皇包羲 世多作庖 亦

風后知其後云 號天皇人帝皇雄氏 一作熊並音弘世 蒼精之

君也 見鄭禮記注梁武祠像碑云伏羲 母華胥

君也 孕十有二歲以十月四日降神 帝系譜云人定

云伏羲在亥得人定之應張說又衍文符曆序

謹以十六年八月端五赤光照室之夜星雄成

紀之辰是以為八 得亥之應故謂曰歲 或曰伏

月五日矣非也 帝故曰歲十有二年而生也木生丁

亥十月在亥復得亥時其符皆至 庖犧生成紀神農生石穴黃帝生壽丘顓頊生 若水帝堯生石乳武王生元氏 帝王世紀 天皇伏羲氏策辭曰昔在天皇居於君位咨於

將咨於相咨於民垂皇策辭皇曰惟我生無道承父居方三十二易草木上升君位我父燧皇歸世未降河圖生民結繩而無不信於未甲八太七成三十二易草木惟我老極時生人衆多羣蟲聚欲相吞害惟天至仁於草生月天雨降河龍馬負圖神開我心子其未生我畫八卦自上而下咸安其居後二成二十二易草木皇曰命子襄居我飛龍之位主我圖文代我咨於四方上下無或私襄曰咸若咨衆之辭君無念哉後一易草木皇曰命子英居我潛龍之位主我陰陽甲曆咨於四方上下無或差英曰依其法亦順君無念哉皇曰無爲後二十二易草木昊英氏進曆於君曰曆起甲寅皇曰甲日寅辰乃鳩衆於傳教臺告民示始甲寅易二月天皇升傳教臺乃集生民后女媧子無

缺

之右上相共工下相皇桓飛龍朱襄氏潛龍昊英氏居君左右栗陸氏居北赫胥氏居南昆連氏居西葛天氏居東陰康氏居下九州之牧各

統其人羣居於外皇曰咨予上相共工我惟老
極無爲子惟扶我正道咨告於民俾知甲曆日
月歲時自茲始無或不記子勿怠共工曰工居
君臣之位無有勞君其念哉皇曰下相皇桓我
惟老極無爲子惟扶我正道撫愛下民同力咨
告於民俾知甲曆日月歲時自茲始無或不記
子其勿怠桓曰居君臣之位無有勞君其念哉
皇曰栗陸子居我水龍之位主養草木開道泉
源無或失時子其勿怠陸曰竭力於民君其念
哉皇曰大庭主我屋室視民之未居者喻之借
力同構其居無或寒凍庭曰順民之辭皇曰陰
康子居水土俾民居處無或漂流勤於道達於
下康曰順君之辭皇曰混沌子居我降龍之位
惟主於民皇曰昆連子主我刀斧無俾野獸犧
虎之類傷殘生命無俾同類大力之徒毆逐微
弱子其伏之連曰專主兵事君無念哉皇曰四
方之君咸順我辭則世無害惟愛於民則位不
危皇曰子無懷安惟安於民民安子安民危子

危子其念哉

三墳

庖犧所都之國有華胥之洲神母遊其上有青虹繞神母久而方滅卽覺有娠歷十二年而生庖犧長頭修目龜齒龍唇眉有白毫鬚垂委地

拾遺記○按開山圖曰仇夷山四絕孤立伏羲生處

伏羲自有句而應世故又曰有句氏

句卽庖乃國名蓋其

始迹之地其後復封之故潛夫論太昊之後有庖國以姓今庖水在山陽平樂而帝墓又在山陽則其故迹無疑也後世弗知謂爲庖厨已失大妄而班志更以爲炮鄙陋甚矣

伏慮羲戲字義皆同史傳或謂伏牛乘馬因號

伏犧取犧牲以充庖因號庖犧最爲鄙妄按莊周等古書皆作慮戲無作羲者且伏羲古或用羲而犧牛之字未有用戲者况伏豈得爲服御字乎故世紀云後世音繆或謂伏犧或作慮儀皆失其旨然史傳一書元有異辭予攷古書獨禮緯含文嘉云伏者別也羲者獻也斯爲最近王莽傳立斗獻亦音爲羲謂北斗之魁標若勺形然集韻亦同稀勺而禮器之義尊乃周禮之獻尊則知羲獻在古同義而叔獻之爲叔戲有

以也

潛夫論云伏羲世號太皞

廣成子以靈飛六甲籙八卦鎮方籙及卜法授

伏羲

真源賦

伏羲生於仇夷長於起城

伏羲氏之王天下也枕石寢繩殺秋約冬

文子

伏羲作造六峯以迎陰陽作九九之數以合天

道而天下化之

管子

伏羲禪於伯牛鑿木作火

河圖挺佐輔

伏羲舉六佐以自策命金提繇俗指苦蓋謹密

臧視之未居者借力成之以靖敷民命鳥明建

方泝窾木絕港道以濟不通奠八方旌九位而

分九土命視冒為賍志災惡察虛實居百疇以

平民

摘輔象曰鳥明主建福視墨主災惡

命紀侗中職定於中邦

二八目作紀通宋均云為田主主內職

仲起司陸

均云主平地一作司陽

陽

侯司海

宋衷云陽侯伏羲之臣蓋大江之神者

六佐職而天地位

陰陽得

伏戲女媧不設法度而以至德遺於後世何則

至虛無純一而不嚶喋苛事也

淮南子

伏羲始作媒以交男女作介以交朋友女媧始作巫祝以交神人神農始作儉以通銜售軒轅始作保以通假貸少昊始作謁以通君臣夏禹始作譯以通夷夏

女皇氏媧媧雲姓

按洞神部伏羲姓風女媧姓雲號女皇名媧蓋古聖人有

不相襲以知書傳所言女媧風姓

一曰女希

世紀

云媧身人首一曰女希是為女皇而姓書希氏出於伏羲風俗通亦云女媧伏羲之妹知義希

古通

媧身牛首宣髮

玄中記云伏羲龍身女媧蛇軀列子以為皆蛇身牛

首虎鼻故曹植贊女媧云二皇牛首蛇形蓋人之形自有同乎物者今相家者流取象禽獸之

形體者是矣非真首牛而身蛇也王充云世圖女媧為婦人形斯得之矣至陶弘景遂疑佛氏

地獄中有所謂牛頭阿旁者為是三皇五帝尤可怪笑

太昊氏之女弟出

於承匡生而神靈亡景亡諤少佐太昊禱於神

祈而為女婦正姓氏職昏因通行媒以重萬民

之判是曰神媒

女媧申祠祝而枚占之曰吉詞曰昭昭九州日

月代極平均土地合和萬國

俗說天地開闢未有人民女媧搏黃土作人劇

務力不暇供乃引繩於泥中舉以為人故富貴

廣博志 卷之九 七 高瞻堂

者黃土人也貧賤者絙也

風俗通

往古之時四極廢九州裂天不兼覆地不周載
火熾炎而不滅水浩洋而不息猛獸食顓民鷲
鳥攫老弱於是女媧鍊五色石以補蒼天斷鼇
足以立四極殺黑龍以濟冀州積蘆灰以止淫
水蒼天補四極正淫水涸冀州平狡蟲死顓民
生背方州抱圓天和春陽夏殺秋約冬枕方寢
繩陰陽之所壅沈不通者竅理之逆氣戾物傷
民厚積者絕止之當此之時卧倨倨興矜矜一

自以爲馬一自以爲牛其行蹢蹢其視瞑瞑侗
然皆得其和莫知所由生浮游不知所求翹翹
不知所往當此之時禽獸蝮虵無不匿其爪牙
藏其螫毒無有攫噬之心考其功烈上際九天
下契黃墟名聲被後世光暉重萬物乘雷車服
駕應龍驂青虬援絕瑞席蘿圖黃雲絡前白螭
後奔蛇浮游消搖道鬼神登九天朝帝於靈門
宓穆休於太祖之下然而不彰其功不揚其聲
隱真人之道以從天地之固然何則道德上通

廣博物志 卷之六
而智故消滅也 淮南子

女媧尚白神農赤黃帝黑少昊白高陽赤高辛

黑唐白虞赤 論語疏

炎帝神農氏姓伊耆 一作祈世以為堯姓非也 熊安云伊耆氏即神農詳

詩禮正義集韻作帆云 古天子號蓋誤當作帆 名軌 見春秋鉤 一曰石

年 見春秋命曆序 或作耳訛

神農生三辰而能言五日而能行七朝而齒具

三歲而知稼穡般戲之事 元命苞

神農作耒耜地應以醴泉堯德匪懈醴泉出 禮緯

人皇神農氏政典曰惟天生民惟君奉天惟食

喪祭衣服教化一歸於政皇曰我惟生無德咸

若古政嗟爾四方之君有官有業乃子乃父乃

兄乃弟無亂於政昔二君始皇未有書契結繩

而治 交易而生亦惟歸政昔在天皇肇修文

教始畫八卦明君臣民物陰陽兵象以代結繩

之政出言惟辭制器惟象動作惟變卜筮惟占

天皇氏歸氣我惟代政惟若古道以立政皇曰

正天時因地利惟厚於民民惟邦本食惟民天

廣博物志 卷之六 高軍定

農不正食不豐民不正業不專惟民有數惟食
有節惟農有教林林生人無亂政典政典曰君
正一道二三凶臣正一德有常吉時正惟四亂
時不植氣正惟和氣亂作癘宮正惟百民正惟
四色正惟五惟質惟良病正四百四藥正三百
六十五過數乃亂而昏而毒道正常過政反僻
刑正平過政反私祿正滿過政反侈禮正度過
政反僭樂正和過政反流治正簡過政反亂喪
正哀過政反遊干戈正亂過政反危市肆正貨
過政反邪譏禁正非過政失用皇曰嗟爾有官
有業乃子乃父乃兄乃弟咸若我辭一歸於正
皇曰君相信任惟正相君輔位惟忠相官統治
惟公官相代位惟勤民官撫愛惟仁官民事上
惟業父無不義厥子惟孝兄無不友厥弟惟恭
夫不游妻不淫師不怠教不失刑者形也形爾
身道者導也導爾志禮者制也制爾情樂者和
也和爾聲政者正也正其事

三墳

為治是故威厲而不試謂賞在於成民之生賞
 誠設矣然施於人而天下化謂政亡有棄法而
 成治法誠立矣然刑罰不施於人而俗善後其
 身而先外其身而民其神不國其鬼不神亡隅
 亡適而天下正南交北幽三危暘谷俚僂之人
 靡不戾止天不牟其道地不愛其實故黃龍川
 泳丹渠先產風不鳴條雨不破蒯路史
 神農伐土嗟穢燒櫟埽野以教天下播種淮南子
 神農之世公耕而食婦織而衣商子

神農修德而夙沙至夏禹焚戈甲而夷人附淮

四鎮
議

神農憔悴堯瘦懼舜黜黑禹胼胝淮南子

宰我問於孔子曰昔者予聞諸榮伊令黃帝三
 百年請問黃帝者人邪抑非人邪何以至於三
 百年乎孔子曰黃帝少典之子也曰軒轅生而
 神靈弱而能言幼而慧齊長而敦敏成而聰明
 治五氣設五量撫萬民度四方教熊羆貔豹虎
 以與赤帝戰於版泉之野三戰然後得行其志

黃帝黼黻衣大帶黼裳乘龍扈雲以順天地之紀幽明之故死生之說存亡之難時播百穀草木故教化淳鳥獸昆蟲曆離日月星辰極畋土石金玉勞心力耳目節用水火材物生而民得其利百年死而民畏其神百年亡而民用其教百年故曰三百年宰我請問帝顓頊孔子曰顓頊黃帝之孫昌意之子也曰高陽洪淵以有謀疏通而知事養材以任地履時以象天依鬼神以制養治氣以教民潔誠以祭祀乘龍而至四海北至於幽陵南至於交趾西濟於流沙東至於蟠木動靜之物大小之神日月所照莫不祇勵宰我曰請問帝嚳孔子曰玄囂之孫嶠極之子也曰高辛生而神靈自言其名博施利物不於其身聰以知遠明以察微順天之義知民之急仁而威惠而信修身而天下服取地之財而節用之撫教萬民而利誨之曆日月而迎送之明鬼神而敬事之其色郁郁其德嶷嶷其動也時其服也士春夏乘龍秋冬乘馬黃黼黻衣執

中而獲天下宰我曰請問帝堯孔子曰高辛之子也曰放勳其仁如天其知如神就之如日望之如雲富而不驕貴而不豫黃黼黻衣丹車白馬伯夷主禮龍夔教舞舉舜彭祖而任之四時先民治之流共工於幽州以變北狄放驩兜於崇山以變南蠻殺三苗於三危以變西戎殛鯀於羽山以變東夷其言不貳其德不回宰我曰請問帝舜孔子曰嶠牛之孫瞽叟之子也曰重華好學孝友聞於四海陶家事親寬裕溫良教敦而知時畏天而愛民恤遠而親親承受大命依於倪皇獻明通知爲天下王使禹敷土主明山川以利於民使后稷播種務勤嘉穀以作飲食羲和掌曆敬授民時使益行火以辟山萊伯夷主禮以節天下夔作樂以歌籥舞和以鍾鼓臯作士忠信疏通知民之情契作司徒教民孝友敬政率經其言不惑其德不慝舉賢而天下平宰我曰請問禹孔子曰高陽之孫鯀之子也曰文命敏給克濟其德不回其仁可親其言可

信聲為律身為度稱以上士疊疊穆穆為綱為
紀巡九州通九道陂九澤度九山為神主為民
父母左準繩右規矩履四時據四海平九州戴
九天明耳目治天下 大戴禮

黃帝有熊氏 或作雄 姓公孫 初姓後改姬馬總以

也 名茶 河圖挺輔佐云黃帝告天老曰茶昔夢

有龜書天其授帝圖乎帝乃齋往河洛有大魚

亦云伯余製衣裳淮南子伯余之初作衣許注

名全字 一曰軒 河圖握拒云黃帝名軒北斗黃

降大靈生帝軒注軒黃帝名故文選言登封降

禪齊德黃軒牽秀云邈矣帝軒尚書中候云黃

帝提象又云黃帝巡洛龜書亦文成字象軒而

論語撰考亦有軒知地利九牧昌教之語是黃

帝名惟曰軒 軒之字曰玄律 見黃帝經序及難

不曰軒 軒 玄軒廣韻九合內志文云竹受氣于玄軒之宿

是矣然則名軒而字玄軒理或然也山海經帝

律生帝鴻則帝 軒轅出自有熊之國母曰昊樞以戊巳之日生

故以土德稱王也時有黃星之祥考定曆紀始

造書契服冕垂衣故有袞龍之頌變乘桴以造
舟楫水物為之祥躡滄海為之恬波泛河沉璧

有澤馬羣鳴山車滿野吹玉律正璇衡置四史以正圖籍使九行之士以統萬國九行者孝慈文信言忠恭勇義以觀天地以祠萬靈亦為九德之臣薰風至真人集乃厭世於昆臺之上留其冠鼎湖之極峻處也立館於其下帝以神金鑄器皆銘題及昇遐後羣臣觀其銘皆上古之字多磨滅缺落詔使百辟羣臣受德教者先列珪玉於蘭蒲席上然沉榆之香春雜寶為屑以沉榆之膠和之為泥以塗地分別尊卑華戎之

位也

拾遺記○又河圖握樞云附寶生軒轅胸有文曰黃帝子○五行書又云以戊子日

生○又路史云符寶孕二十有四

月而生帝於壽丘生而紫炁充房

地皇軒轅氏政典曰嗟爾天師備相正五百官士子農夫商人工技咸若我言政典曰國無邪教市無淫貨地無荒土官無濫士邑無遊民山不童澤不涸其正道至矣正道至則官有常職民有常業父子不背恩夫婦不背情兄弟不去義禽獸不失長草木不失生政典曰方圓角直曲斜凹凸必有形遠近高下長短疾緩必有制

寒暑燥濕風雨逆順必有時金木水火土石羽
毛必有濟布帛桑麻筋角齒革必有用百官器
用必有制聖人治天下權以聚財財以施智智
以儆賢賢以輔道道以統下下以事上上以施
仁仁以保位位以制義義以輔禮禮以制情情
以敦信信以一德德以明行行以崇教教以歸
政政以崇化化以順性性以存命命以保生生
以終壽皇曰岐伯天師爾司日月星辰陰陽曆
數爾正爾考無有差貸先時者殺不及時者殺
爾惟戒哉皇曰后土中正爾識山川草木蟲魚
鳥獸爾掌爾察無亂田制以作田訟爾惟念哉
皇曰龍東正爾分爵祿賢智爾咨爾行無掩大
賢以恠財無庇惡德以私賞皇曰融南正爾平
禮服祭祀爾正惟無亂國制以僭上無廢祀事
以簡恭爾惟念哉皇曰太封西正爾分干戈刑
法爾掌爾平皇曰太常北正爾居田制民事爾
訓爾均百工惟良山川爾圖爾惟勤恭哉皇曰
天師備相五正百官士子農夫商人工技咸順

我言終身於休 三墳

子貢問孔子曰古者黃帝四面信乎孔子曰黃
帝取合已者四人使治四方不謀而親不約而
成大有成功此之謂四面也 尸子

黃帝以雷精起 河圖

黃帝之初養性養民不好戰伐而四帝各以方
色稱號邊城日驚介冑不釋黃帝歎曰君危於
上民安於下主失於國其臣再嫁厥病之由非
養寇耶今處民萌之上而四盜亢衡遽震予師

於是遂即營壘以滅四帝向令黃帝不龍驤虎

變而與俗同道則其民亦嫁於四帝矣 蔣子萬機論

青帝太皞後赤帝神農後
白帝共工後黑帝葛天後

黃帝即位十有五年喜天下戴已養正命娛耳

目供臯口焦然肌色尪黯昏然五情爽惑黃帝

乃喟然讚曰朕之過淫矣養一已其患如此治

萬物其患如此於是放萬機舍官寢去直侍徹

鍾懸減厨膳退而閒居大庭之館齊心服形三

月不親政事晝寢而夢游於華胥氏之國華胥

黃帝傳勿忘

氏之國在奄州之西台州之北不知斯齊國幾
千萬里蓋非舟車足力之所及神游而已其國
無帥長自然而已其民無嗜欲自然而已不知
樂生不知惡死故無夭殤不知親已不知疎物
故無愛憎不知背逆不知向順故無利害都無
所愛惜都無所畏忌入水不溺入火不熱斫撻
無傷痛指摘無癢癢乘空如履實寢虛若處牀
雲霧不礙其視雷霆不亂其聽美惡不滑其心
山谷不躓其步神行而已黃帝既寤悟然自得
召天老力牧太山稽告之曰朕閒居三月齋心
服形思有以養身治物之道弗獲其術疲而睡
所夢若此今知至道不可以情求矣朕知之矣
朕得之矣而不能以相告若矣又二十有八年
天下大治幾若華胥氏之國而帝登假百姓號
之二百餘年不輟

列子

黃帝之治天下也其民不引而來不推而往不
使而成不禁而止故黃帝之治也置法而不變
使民安其法者也

管子

黃帝中凡銘曰予居民上搖搖恐夕不至朝不
惕恐朝不及夕兢兢慄慄日慎一日人莫躋于
山而躋于垤

黃帝作輿凡之箴以警晏安作金凡之銘以戒

逸欲 帝王大紀

振夔鼓載龍旗天則玄女授符帝則黃神降斗

斯乃軒轅氏之所以除人害也 崔融啟 母廟碑

黃帝命知命糾俗天老籙教力牧準斥鳩治決

法五聖道級闕紀補闕地典州絡七輔得而天

地治神明至

闕紀即陶潛賢輔錄中窺紀也論語摘輔象七輔有風后而無鳩治

世紀云黃帝以風后為上台與天老五聖為三公其餘知命規紀地典力牧常先封胡孔甲等或為師或為將非一人也故張衡云方將師天老而友地典漢志陰陽有地典六篇鳩治子一篇封胡五篇力牧十五風后十三鬼容蘆三篇及容成陰道天老維子陰道皆黃帝臣也補闕博物志作變復準斥博物志作准斤

黃帝申命封胡以為丞鬼容蘆為相力牧為將

而周昌輔之大山稽為司徒庸光為司馬恒先

為司空建九法七相翌而下服度風后善乎伏

戲之道以為當天而配上台桓常審乎地利以

為常平於是地獻草木乃述耕種之利奢比辨
 乎東以為土師而平春種角穀論賢列爵勸耕
 饁禁伐厲庸光辨乎南以為司徒而正夏種芒
 穀修馳戒修發宿臧靜居農以戒力以宛夏功
 種房穀以應戊巳之方大封辨乎西以為司馬
 玩異禽種遂穀收穀薦祖組甲厲兵戒什伍以
 從事后土辨乎北以之李行冬斷罪種稜穀剝
 箭伐木乃勞農始獵殺帝處中央而政四國分
 八節以紀農功命天中建皇極乃命史甲作戒

盤盂籩豆奩鏡劔履輿席市杖戶牖弓矛一著

銘詩以彌縫其闕

黃帝又有臣常山封鴻又
 鄧伯溫者及蚩尤氏轉戰

黃帝立四面堯舜得伯陽續耳然後成

呂氏
 春秋

傳記黃帝以車戰蚩尤以騎戰蚩尤作霧黃帝

作指南車通典云蚩尤氏帥魍魅與黃帝戰于

涿鹿帝命吹角作龍吟以禦之

黃帝攻蚩尤三年城不下得術士伍胥問之胥

曰是城中之將白色商音帝之始攻得無以秋

之東方行乎今帝為人蒼色角音此雄軍也請

以戰為帝曰為之若何曰請攻三日城必下乃
 設五旗五軍已具四面攻之三日城果下玄女兵法
 帝征蚩尤七十一戰不克晝夢金人云天帝使
 授符得兵符戰必克矣帝寤問風后曰此天應
 也乃於盛水之陽築壇祭太牢有玄龜含符致
 壇似皮非皮似縹非縹文曰天乙在前太乙在
 後帝再拜受於是設九宮置八門布三奇六儀
 制陰陽二遁凡千八十局名曰天乙遁甲式三
 門發五將具征蚩尤而斬之太白陰經

蚩尤幻變多方徵風召雨吹煙噴霧黃帝師眾
 大迷帝歸息太山之阿昏然憂寢王母遣使者
 被玄狐之裘以符授帝符廣三寸長一尺青瑩
 如玉丹血為文佩符既畢王母乃命一婦人人
 首鳥身謂帝曰我九天玄女也授帝以三宮五
 意陰陽之畧太乙遁甲六壬步斗之術陰符之
 機靈寶五符五勝之文遂克蚩尤於中冀又數
 年王母遣使白虎之神乘白鹿集于帝庭授以
 地圖玄女法

黃帝治五氣設五量及神農氏衰黃帝乃擾馴
猛獸與神農氏戰于版泉之野又討蚩尤氏使
應龍殺之于凶黎之丘凡五十二戰而天下大
服帝王世紀

蚩尤出自羊 **八肱八趾疏首登九淖以伐空**

桑黃帝殺之于青丘 歸藏啟筮

黃帝太乙密推云欲知巡狩之年當視太乙與
天自在四維之歲法當巡狩

黃帝以地皇九年正月上寅詣首陽山宰牧從

焉入空桐禮廣成子回駕王屋啟石函發玉笈

得九鼎飛靈神丹訣次游玄圃禮雲臺先生授

龍躡經役使龍虎令詣天真皇人 真源

黃帝謁峨眉見天真皇人拜之曰敢問何為三

一之道皇人曰而既已君統矣又咨三一無乃

朗抗乎古之聖人蓋三辰立晷景封域以判邦

國山川以分陰陽寒暑以平歲道執以衛衆交

質以聚民備械以防姦車服以章等皆法乎

而鞠乎有形者也天地有啟閉日星有晷景人

黃帝博物志 卷之九 三 三九三 高麗堂

亂有運會陰陽有期數賢愚之蔽壽夭之當
賤之事吉凶之故一成而不變蓋氣浮于上而
精氣萃于下性發乎天命成乎人使聖人以爲
之紀是以聖人欲治天下必先身之立權以聚
財葵財以施智因智以制義繇義以出信仗信
以著衆用衆以行仁安仁以輔道迺道以保教
善教以政俗從俗以毓質崇質以恢行勤行以
典禮制禮以定情原情以道性復性以一德成
德以叙命和命以安生而天下自爾治萬物自

爾得神志不勞而真一定矣子以蕞爾之身而
百夫之所爲備故天和莫至悔吝屢庚生殺矢
寒暑之宜動靜戾剛柔之節而貪欺終無所用

無乃已乎黃帝乃終身弗違而天下治

玉珮
金璫

黃帝問於伯高曰吾欲陶天下而以爲一家爲
之有道乎伯高對曰請刈其荒而樹之吾謹逃
其爪牙則天下可陶而爲一家

管子

黃帝遊天衢奏鈞天之鼓建日月之旗乘瑤雲
之輿駕六翼之龍彭祖前驅松喬俠轂光景流

而不見長風逐而不及發軔紫宮不崇朝而匝六合也

孫綽子

黃帝封東山而奉中華君

或云即中黃丈人受九品之方

黃帝東海南江登空躡岱至昆峰振轡風山訪

道存諸汗竹不可厚誣

晉志

黃帝受襄城小童步六紀之法黃纍小童步三

經之法

金簡玉字

昔黃帝生而能言役使百靈可謂天授自然之體者也猶復不能端坐而得道故陟王屋而授

丹經到鼎湖而飛流珠登崆峒而問廣成之具

茨而事大隗適東岱而奉中黃入金谷而諮涓

子心論道養則資玄素二女精推步則訪山稽

力牧講占候則詢風后著休診則受雷岐審攻

戰則納五音之策窮神奸則記白澤之辭相地

理則書青鳥之說救傷殘則綴金冶之術故能

畢該秘要窮道盡真遂乘龍以高躋與天地乎

罔極也

抱朴子

昔黃帝東到青丘過楓山見紫府先生受三皇

內文以効召萬神南到圓隴蔭建木觀百令之所登採若乾之華飲丹轡之水西見中黃子受九加之方過洞庭從廣成子受自然之經北到洪隄上具茨見大隗君黃蓋童子受神芝圖還陟玉室得神丹金訣記

上

黃帝濟東海入江內取綠圖

新書

許玉斧言黃帝以疾崩于橋山

真誥

黃帝體僊登遐其臣扶微等歛其衣冠葬之

周晉

生招

龍議

黃帝阜衣緼裳放勳彤車白馬

隋書

黃帝馭紫虬帝堯駕白馬

黃帝十歲而改神農之政顓頊十三而致太平帝嚳十五而佐顓頊唐堯十三而佐帝摯禹孕十四月

帝鴻氏繼黃帝者也而說者以爲黃帝何邪以五帝位無地以置之也虞氏之先有幕而惑于史記所叙之世者無地以置夫幕也遂以謂之虞思而不暇顧是皆學者沈綿之意病也按春

秋運斗樞以帝鴻金天高陽高辛唐虞為五代而班氏人表既叙帝鴻于炎帝之前矣豈得謂黃帝哉于令昇曰相皇臬陸而前為而不有應而不求執大象也鴻黃世及以一民也堯舜內禪體文德也漢魏外禪順大名也是則鴻黃為世及者信矣雖然亦有以致其疑者昔者文信侯引黃帝告顓頊之言曰大員在上大矩在下汝能法之為民父母而鬻子謂顓頊十五而佐黃帝二十而有天下汲書亦云黃帝死七年其

臣左徹乃立顓頊三書世少見信然史記亦言黃帝崩而昌意之子高陽立少昊且無况帝鴻邪此鄭康成于書中候所以依運斗樞以帝鴻為五帝而乃指之為黃帝也余觀內簡黃帝經黃帝後歷四世乃至顓頊設不之信則少昊為世八十有四載顓頊何由事黃帝哉此其不足疑者然班氏置之炎帝之前則又失之

路史○按陳晦

伯駁之云左傳史克曰昔帝鴻氏有不才子杜預曰帝鴻黃帝也山海經云帝俊生帝鴻帝鴻生白民唐逢行珪鬻子注云軒轅氏少典次子父曰帝鴻氏路史謂帝鴻是黃帝子帝俊是黃

帝字無稽此駁甚正備錄之

小昊青陽氏

少昊幣文作小顛紀姓世紀青陽紀周書亦作小顛

窮桑氏名質

周書云乃命小昊清司馬鳥師以正五帝之官因名曰質質贊同故

史傳多云名摯而以

是為摯

世紀云少昊名摯亦見世本宜與摯

為高辛之子誤矣

少昊以主金方一號金天氏亦曰金窮氏時有

五鳳隨方之色集于帝庭因曰鳳鳥氏金鳴于

山銀湧于地或如龜虵之類乍似人鬼之形有

水屈曲亦如龍鳳之狀有山盤紆亦如屈龍之

勢故有龍山龜山鳳水之目也亦因以為姓末

代為龍丘氏出班固藝文志虵丘氏出西王母

神異傳

拾遺記

少昊生于稚華之渚其渚一旦化而為陵鬱鬱

葱葱焉

襄九年左傳言魯襄公年十二而冠依八代記

即少昊亦十二而冠

公羊疏

帝顓頊高陽氏黃帝孫昌意之子昌意出河濱

遇黑龍負玄玉圖時有一老叟謂昌意云生子

必叶水德而王至十年顓頊生手有文如龍亦有玉圖之象其夜昌意仰視天北辰下化為老叟及顓頊居位奇祥眾祉莫不總集不稟正朔者越山航海而皆至也

拾遺記

軒轅子昌意娶蜀山之女生顓頊顓頊父君弱水之鄉項身陶七河之津是為玄帝也仗萬靈以信順監眾神以導物役御百氣召致雷電于是乘結元之輦周旋八外諸有洞臺之山陰宮之丘皆移安息之石封而鎮之鑄羽山之銅為寶鼎各獻以一于洞山神峰不獨句曲一山而已

陶隱居真誥

帝嚳高辛氏姬姓

古史考云或云房姓妄也一云姪姓曰嚳一作

韻高辛號

一曰逡

見世紀一作交山海經作俊言帝俊處甚多皆謂嚳郭景

純皆以為舜謂舜俊聲相近失所攷矣

嚳之字曰亡斤黃帝氏之

子曰玄枵之後也

世本嚳黃帝之曾孫漢志言顓頊帝蒼林昌意之子帝嚳青

陽玄囂之子皆並二人而言繆父儵極

大戴禮

取陣豐氏曰哀

高堂隆北郊表曰履大跡而生

嚳方嚳之生握袞莫覺生而神異自言其名遂

廣博物志卷之九

以名見大戴禮世紀故曹植贊及張顯析言云高辛氏初生自言其名其君民終無迷繆

也舉星畢曳雲稍黃斧紼衣執中而獲天下史路

廣博物志卷之九

